

Өвс хадлгъна туск төр Западн района газетд

КПСС-н ЦК-н болн СССР-н Министрмүдин Совет, 1960 джилд 3 сай толгъа хөөтә болх төриг Хальмг таньгъчин куч-көлсчирин өмн тәвсмн. Олна мал өсклгън—эдл-ахун эркн чинртә төр. Тер төлäd чигн эн төриг кұцāхин кергт таньгъчин куч-көлсчир шунмгъа кевәр кōдлджәнә.

Партин болн правительствин даалгъвриг кұцāхин кергт колхозмуд болн совхозмуд олна малд хойр джилä хотин көрнъ бүрдāхин кергт гүджрдж кōдлджāцханә. Хойр джилä хотин көрнъ бүрдāхин төлäd Приозерн района куч-көлсчир өвс хуралгъиг кōдлмшин 45 өдрт кұцāх дуудвр кесмн.

Эн дуудвр хәрү өгч бийсдән даалгъвр авцхасн Западн районахн, зурагъар болхла 27321 гектар өвс хаддж, хурахмн. Июнин 2-т бāāх тоогъар болхла, район 9552 гектар хадв, эс гидж 39,9 процент кұцāв. Хадсн өвснәс 5774 гектаринь овалв, центнерәр тоолхла, 16390 центнер өвсн хурагдв. Районд өвс хадлгънд 115 шалгъ кōдлджәнә. Өдртән эн машиндәр 1550 гектар хадх зөвтә бāәснәс, зугл 485 гектар күргдж хадв. Эс гидж нег шалгъ болгън дундлад тоолхла 8,3 гектар өвс өдртән хаднә. Энүгәр авад хālāхлā, Западн районд өвс хадлгънд кōдлджāх техникиг йоста кевәр олзлджахш. Тер төлäd эн районд өвс хадлгън дегд хаш-

нъгар кегдджәнә гихмн. Иим муугъар района организацгардсн учрар, западнахн таньгъчар әрә гидж арвдгч орм элджәнә.

Өвс хадлгън хашнъгар кегдджāх бийнъ, района „Ленинское знамя“ газетин халхд өвснә хадлгън болн хуралгънд гарчах āамшгин тускар амрсар бичгдджāхш. Өвс хадлгъна кōдлмш әклснәс авн района газетд нег чигн толгъата, товчтә материал барлсн газр уга. Газетин халхд ю чигн эс медүлсн заметкс болн сводкс барлна.

Өвс хадлгънд нерәдсн нүр статья чигн барлгдсн уга. Газетин халхд өмн нүүрт йовх механизатормудиг үзүлäd, ард хоцрдж йовх колхозмудин болн совхозмудин механизатормудиг шунлттагъар кōдлтхā гисн дуудвр—газетин ах төрнъ болджана.

„Ленинское знамя“ газетин халхд сән кōдлмшин үлгүриг өргәр делгрүлдж, тархадж, селәнә эдл-ахун кōдлāчирт өвс хадлгъан эртәр дуусхд, эв-аргъан цугтнъ олзлхд дөнъ болх материалмуд ода деерән барлгдджахмн уга.

Олна малд хойр джилд күрх хотин көрнъ бүрдālгън чинртә төр.

Эн төриг кұцāхин төлә кегч куч-көлсчирин ноолданд шунмгъа кевәр орлцлгън—района газетин эркн гол төрнъ болдж гарх зөвтә.